



ԱՌԱՋՆՈՐԴԱՐԱՆ ԻԱՅՈՑ ԱՄԵՐԻԿԱՅԻ

Diocese of the Armenian Church of America

TELEPHONE:
LEXINGTON 2-5790

630 SECOND AVENUE
NEW YORK 16, N. Y.

Գ Ռ Ր Օ Ր Հ Ն Ո Ւ Թ Ե Ա Ն ԳԼԻՎԼԵՆՑԻ ՄԵՐ ՍԻՐԵՅԵԱԼ ԺՈՂՈՎՈՐԴԻՆ

"Ուրախ լեր Ս. Եկեղեցի..."

Ուրախ եղէք Գլիվլէնտի Հայ ժողովուրդ, որովհետեւ ձեր երկար տարիներու երազը իրականացաւ ու ձեր եկեղեցցաշէն աշխատանքները յաջողութեամբ պսակուեցան, եւ այժմ, դուք ունիք ձեր սեփական Հայկական Եկեղեցին, որուն օծումը պիտի կատարուի ի՞նչ մօտոյ:

Հայաստանեայց Եկեղեցին հայութեան հոգեւոր մայրն է, հաւատքի ու լոյսի խորանն է, եւ միեւնոյն ատեն, Հայ մշակոյթի եւ ուսման վառարանն է, որուն սրբազան կամարներուն տակ՝ մեր սիրասուն զաւակները պիտի սորվին մեր Հայրերու լուսաւոր քրիստոնէական հաւատքը ու մեր մեծասքանչ Հայ լեզուն եւ հերոսական անցեալը:

Ամէն Հայ եկեղեցի մանրանկարն է Ս. Էջմիածնի Մայր Տաճարին, որովհետեւ, բոլոր Հայ եկեղեցիներու Ս. Սեղաններուն վրայ անշէջ կը վառի Ս. Լուսաւորչի հաւատքի կանթեղը:

Այս ուրախ առիթով, սիրով կ'ողջունենք Գլիվլէնտի մեր սիրեցեալ ժողովուրդը, եկեղեցւոյ շինութեան Ցանձնախումբը, Միական Խորհուրդը, Եկեղեցասէր Տիկնանց Միութիւնը եւ Համայն հաւատացեալները, որոնց զոհողութեամբ ու առտաձեռն նուիրատուութեամբ կառուցուեցաւ Ձեր եկեղեցին:

Կ'աղօթենք որ դուք, սիրելի ժողովուրդը, իբրեւ ԿԵՆՂԱՆՈՒ ՎԷՄԵՐ շինուիք եւ ըլլաք հոգեւոր տաճարներ: Աստուծոյ. - "Եւ դուք իբրեւ զվէմս կենդանիս՝ շինիք Տաճար Հոգեւոր" (Ա.Պետ. Բ.5):

Այսու, կ'օրհնենք Գլիվլէնտի մեր փոքրիկ հօտը, անոր ժրջան Միական Խորհուրդը, նուիրեալ Ատենապետը, Հոգեւոր Մատակարարը եւ բոլոր նուիրատուները, որոնց լուսմայով շինուեցաւ այս եկեղեցին:

Մաղթելով ձեզի ամենուր Աստուծոյ վարձատրութիւններն ու օրհնութիւնները:

Մեամ Տիրաւանդ սիրոյ ողջունիւ
Աղօթարար

ՍԻՈՆ ԱՐՁԵՊԻՍԿՈՍ
Առաջնորդ Հայոց Ամերիկայի
եւ Գանատայի

Armenian Apostolic Church of Cleveland

666 Richmond Road Richmond Heights 24, Ohio • EVergreen 1-6590

Հոկտեմբեր 29, 1963

Գերաշնորհ
Տ. Միոն Արք. Մանուկեան, Առաջնորդ
Առաջնորդարան Հայոց Ամերիկայի
Նիւ Եորք, Ն. Ե.

Գերաշնորհ Արքազան Հայր,

Եկեղեցւոյ Միական Խորհուրդը եւ Մինութեան Յանձնախումբը իրենց վերջին նիստին մէջ զբաղեցան նոր եկեղեցւոյ օծման առթիւ պատրաստուելիք գրքոյկի ինդըրով: Այս առթիւ կը փափաքին օրհնութեան գրքեր ունենալ Ն. Մ. Օծութիւն Տ. Տ. Վազգէն Կաթողիկոսէն եւ ձերդ Արքազանութենէն գրքոյկին մէջ ղնելու համար: Ծնորհակալ կ'ըլլանք եթէ կարենաք կարելի եղածին չափ շուտ ղրկել այս գրքերը:

Եկեղեցւոյ արտաքին շինութիւնը արդէն իսկ վերջացած է եւ մինչեւ նոյեմբերի վերջը, շահերը, նստարանները, գորգերը, գունաւոր ապակիները եւ այլ կազմածները դրուած կ'ըլլան. իսկ խորանները պատրաստ պիտի ըլլան գալիք Յունուարի սկիզբը: Երկան Խորհուրդը եւ Մինութեան Յանձնախումբը կանոնաւոր շաբաթական ժողովներ կ'ունենան, պատշաճ կերպով ունենալու համար եկեղեցւոյ օծումը եւ անոր յարակից հանդիսութիւնները, Փետրուար 9, 1964-ին:

Եթէ ունիք որոշ թելադրութիւններ, հաճեցէք իմացնել:
Կը փափաքինք նաեւ տեղեկութիւն ունենալ Հայր Վազգէնի մասին:

Յաջողութեան մաղթանօք, մնամ ի համբոյր ձեր Ս. աշոյն,

որդիական սիրով,

Երեմիա Արք. Մկրտչեան

Ներսէս Արք. ձեպէճեան,
Նախագահ Մի. Խորհուրդի

Ապրիլ 22 - Տոն

Ապրիլ 12